


Nòm:

Grop:



**Era vida d'Alejandro Finisterre mos mòstre a un òme inquiet, creatiu e emprendedor, inventor entre d'autes causes deth popular "fotbolin".**

Alejandro Campos Ramírez, subrenomat Alejandro Finisterre, neishec en 1919 en pòble galhègo de Fisterra e moric er an 2007 ara edat de 87 ans.

Damb sonque quinze ans eth nòste protagonista se les auec d'engenhar entà completar es sòns estudis en Madrid. Es sòns pairs vederen com eth negòci fracassau e non podien pagar es despenes dera estada d'Alejandro ena capitala. Alejandro pagaue era estada e es sòns estudis dant classes particulars as mainatges dera escòla mairau. Ath delà, siguec manòbra de paredèr, aprenent d'imprimeria e dançaire de claquè ena companhia de Celia Gámez.

Es herides que li deishèren ena Guèrra Civila, dempús de demorar enterrat en un bombardament, portèren a Alejandro tar espitau de Montserrat en Barcelona e, mès endeuant, tás colònies de Puig, a on un gran nombre de mainatges se guarien des herides. Ena sua estada en ospitau s'enamorèc d'ua bèra pianista tà qui dessenhèc eth prumèr passaplanes de partitures accionat damb es pès, possiblament eth prumèr invent que patentèc.

Era estada en espitau li permetec observar com es mainatges trobauen mens de poder jogar ath fotbòl. Per aguest motiu, observant eth tènis de taula e damb era ajuda deth hustèr basco Francisco Javier Altuna inventèc eth fotbolin, patentant-lo en 1937. Totun, non podec cap produsir industriauent eth sòn invent perque es fabriques de joguets èren ocupades ena fabricacion d'armes.

Un còp acabada era Guèrra Civila en Espanha, Alejandro Finisterre s'escapèc a pè tà França travessant es Pirenèus. Es dificultats deth camin e eth mau temps provoquèren era pèrta deth document dera patent deth fotbolin.

Er exili francés acabèc en 1948, coïncidint damb era obtencion d'uns importants ingrèssi gràcies ara patent deth passaplanes a pedala inventat anteriorament. Partic tara capitala d'Equador a on


comencèc era sua aventura editoriau, editant ua revista literària.

En 1952 se n'anèc tà Guatemala a on perfeccionèc eth sòn fotbolin.

Eth fotbolin fabricat compdaue damb barres d'acèr suèc e husta de mès qualitat. Eth negòci prosperèc e obtenguec importanti beneficis.

Totun, un nau còp d'Estat l'obliguèc a un nau exili, aguest viatge des de Guatemala entà Mexic, a on desenvolopèc era sua faceta coma editor gràcies ara sua relacion damb un gran nombre d'escrivans espanyòus exiliadi en Mexic, remercant era sua relacion damb León Felipe.

Tornèc tà Espanya dempús deth franquisme, demorant es sòns darrèri ans en Zamora. Maugrat auer viscut fòrça ans dehòra dera sua tèrra, jamès perdec eth sòn acent galhègo.



1 AUEM CURIOSITAT 

1èr. Qui ei León Felipe?

2au. Quina ei era capitala d'Equador?

3au. Localiza en mapa es viles espanhòles e es païsi referidi en tèxte. 



2 EN EISHAME

Vam a hèr un "Fotbolin uman"

